



Sekitar Sesi Syarahan Professor yang telah berlangsung di Dewan Seminar B, Kompleks Konvokesyen baru-baru ini.

UUM ONLINE: Prof. Dr. Rushami Zien Yusoff membentangkan topik mengenai Isu, Cabaran dan Strategi Ke Arah Peningkatan Daya Saing dan Kelestarian Organisasi dalam Sesi Syarahan Profesor yang berlangsung di Dewan Seminar B, Kompleks Konvokesyen, di sini, baru-baru ini.

Perbentangan topik hasil kajian Dr. Rushami yang juga seorang Profesor dari College of Bussines (UUM COB) dilihat lebih memberi penekanan kepada permasalahan dan cabaran yang dihadapi oleh organisasi untuk mencapai kecemerlangan sehingga ke peringkat global.

"Organisasi hari ini bukan sahaja berhadapan dengan pesaing tempatan, tetapi terpaksa juga bersaing dengan organisasi antarabangsa yang mempunyai 'lesen universal' untuk beroperasi di pasaran tempatan selari dengan ketetapan perdagangan orde baru yang diperkenalkan oleh Pertubuhan Perdagangan Antarabangsa (WTO) pada awal tahun 1980-an," katanya.

Menurut beliau, dalam persekitaran global yang sangat mencabar ini menyebabkan setiap organisasi mesti memiliki daya saing yang tinggi bagi mengekalkan kelestariannya.

"Sesebuah organisasi hari ini perlu berada di tahap pengurusan bertaraf dunia ataupun sering disebut sebagai 'World Class Management' dalam usaha menghadapi semua cabaran ini," katanya.

Selain itu, beliau turut membincangkan isu-isu yang menjadi penghalang kepada kegagalan sesuatu organisasi untuk bertahan dan berjaya di peringkat domestik dan global.

Turut hadir dalam majlis syarahan itu, Naib Canselor Universiti Utara Malaysia (UUM), Prof. Dr. Mohamed Mustafa Ishak dan kakitangan akademik serta pegawai universiti.

Habis.

=====

DARIPADA:

UNIT KOMUNIKASI KORPORAT